

# Ceswec, Pusat Islam UTHM rai keluarga asnaf

**BATU PAHAT** - Kelab Kebajikan Staf Kejuruteraan Awam (Ceswec) dan Pusat Islam Universiti Tun Hussein Onn Malaysia (UTHM), meneruskan aktiviti pada Ramadan ini dengan membantu meringankan beban golongan asnaf.

Bantuan diberikan pada tahun ini, melibatkan 50 keluarga anak-anak yatim, keluarga miskin dan ibu tunggal di sekitar Parit Raja serta Sri Gading, yang menerima barangan keperluan untuk Hari Raya Aidilfitri tahun ini.

Dekan Fakulti Kejuruteraan Awam dan Alam Sekitar (FKAAS), Prof Madya Dr Abd Halid Abdullah berkata, pihaknya juga turut mengadakan kerjasama dengan ketua kampung dan Umno Bahagian Sri Gading untuk mengenal pasti penerima.



**Sebahagian anak yatim dan golongan asnaf diraikan Ceswec UTHM untuk membeli keperluan menyambut Ramadan serta Syawal.**

Katanya, sumbangan diharap memberikan sedikit kelegaan dan meringankan beban yang ditanggung.

"Walaupun pemberian ini tidaklah banyak tetapi kami di Ceswec berharap penerima dapat menggunakan-

nya sebaik mungkin, agar keperluan semasa Ramadan dan Syawal nanti dapat dipenuhi.

"Kami memberikan keperluan kepada anak-anak yatim dan mereka yang memerlukan ini dengan

sedikit duit raya dan juga membelikan baju raya untuk mereka," katanya pada Program Ikhlas Ramadan dan Projek Baju Raya 2016.

Abd Halid berkata, program turut membantu penuntut UTHM, ter-

diri daripada golongan asnaf, khususnya penuntut tidak berkemampuan.

"Setiap keluarga menerima barangan keperluan harian dan barangan keperluan hari raya bernilai RM200," katanya.